



Broj: 11-05-38-sl/17
Sarajevo: 26.07.2017. godine

Uvažavajući činjenicu da će Skupština Kantona Sarajevo na 32. sjednici zakazanoj za 31.07.2017. godine razmatrati Prijedlog zakona o visokom obrazovanju kao i činjenicu da je Senat Univerziteta u Sarajevu usvojio i javnosti saopštio „Stavove Senata Univerziteta u Sarajevu u vezi sa Prijedlogom Zakona o visokom obrazovanju Kantona Sarajevo od 19.07.2017. godine“ te da je u vezi sa pomenutim Prijedlogom zakona za četvrtak 27. jula 2017. godine sa početkom u 10:00. sati zakazana 7. vanredna sjednica Senata Univerziteta u Sarajevu, Ministarstvo za obrazovanje, nauku i mlade Kantona Sarajevo daje sljedeće

SAOPŠTENJE ZA JAVNOST

- Prijedlog zakona o visokom obrazovanju izrađen je uz puno poštivanje pravnog sistema Bosne i Hercegovine, odnosno Ustava BiH, Ustava Federacije BiH i Ustava Kantona Sarajevo kao i relevantnih zakona u državi Bosni i Hercegovini koji se primjenju u oblasti visokog obrazovanja, a što je zvanično potvrđeno od strane Ministarstva pravde i uprave Kantona Sarajevo, Ureda za zakonodavstvo Kantona Sarajevo, Ministarstva finansija Kantona Sarajevo te Ekonomsko-socijalnog vijeća za područje Kantona Sarajevo,
- Zakonsko rješenje sadržano u Prijedlogu zakona o visokom obrazovanju kojima se uređuje pitanje uvođenja Univerziteta u Sarajevu kao javne ustanove **u sistem trezorskog poslovanja** predstavlja, nakon dugo godina odlaganja, punu implementaciju zakonske obaveze opisane:
 - a) Okvirnim zakonom o visokom obrazovanju u Bosni i Hercegovini („Službeni glasnik BiH“ broj: 59/07 i 59/09),
 - b) Zakonom o budžetima u Federaciji Bosne i Hercegovine („Službene novine Federacije Bosne i Hercegovine“ broj: 102/13, 09/14, 13/14, 08/15 i 91/15) i
 - c) Zakona o trezoru u Federaciji BiH („Službene novine Federacije BiH“ broj: 26/16),
- Zakonsko rješenje kojim se reguliše **pravni subjektivitet** Univerziteta u Sarajevu te fakulteta/akademija i naučnoistraživačkih instituta u njegovom sastavu, u cijelosti je zasnovano na odredbama Okvirnog zakona o visokom obrazovanju u Bosni i Hercegovini („Službeni glasnik BiH“ broj: 59/07 i 59/09),
- Zakonsko rješenje u odnosu na **nadležnost Upravnog odbora Univerziteta u Sarajevu** je u cijelosti zasnovano na odredbama Okvirnog zakona o visokom obrazovanju 59/07 i 59/09), u BiH i Zakonu o ustanovama u BiH („Službeni list RBiH“ broj: 6/92, 8/93 i 13/94),
- Zakonsko rješenje u odnosu na **sastav/strukturu Upravnog odbora Univerziteta u Sarajevu** je zasnovano na Okvirnom zakonu o visokom obrazovanju, Zakonu o ustanova i prati rješenja prisutna u evropskom prostoru visokog obrazovanja. U značajnom broju evropskih država većinu ili sve članova upravljačke strukture imenuju nadležne obrazovne vlasti.



- Zakonska rješenja u Prijedlogu Zakona o visokom obrazovanju podrazumijevaju da se **postupak izbora i imenovanja rektora Univerziteta u Sarajevu, odnosno dekana fakulteta i akademija te direktora naučnoistraživačkih instituta u njegovom sastavu**, provodi potpuno autonomno od strane akademskih tijala Univerziteta odnosno njegovih organizacionih jedinica, bez uplitanja Upravnog odbora Univerziteta ili nadležnih obrazovnih vlasti.
- Na kraju, Ministarstvo za obrazovanje, nauku i mlade Kantona Sarajevo ističe da su u Prijedlog zakona o visokom obrazovanju ugrađene sve primjedbe i sugestije koje su u proteklom periodu usaglašene između Univerziteta u Sarajevu, Studentskog parlamenta Univerziteta u Sarajevu i predlagača Zakona.

Uvažavajući naprijed navedeno, Ministarstvo za obrazovanje, nauku i mlade Kantona Sarajevo apeluje na sve subjekte koji u javnom prostoru iskazuju stav o Prijedlogu zakona o visokom obrazovanju da to čine na argumentovan način, poštujući normativno-pravni okvir u državi Bosni i Hercegovini, te iskustva i praksu u evropskom prostoru visokog obrazovanja čije dostizanje predstavlja opredjeljenje nadležnih obrazovnih vlasti, ali i akademske zajednice u Bosni i Hercegovini.



U prilogu:

- Mišljenje Ministarstva pravde i uprave Kantona Sarajevo broj: 03-08-02-23609/17 od 12.07.2017. godine,
- Mišljenje Ureda za zakonodavstvo Kantona Sarajevo broj: 09-02-23600/17 od 12.07.2017. godine i mišljenje broj: 09-02-18001/17 od 11.05.2017. godine,
- Mišljenje Ministarstva finansija Kantona Sarajevo broj: 08-01-02-23599/17 od 12.07.2017. godine i
- Zaključak Ekonomsko-socijalnog vijeća za područje Kantona Sarajevo broj: 01-62-2-47/17 od 19.07.2017. godine.

